

№5 (177) Мамыр 2021 жыл

Магденцет



«ҚЫТАЙ ХАЛЫҚ РЕСПУБЛИКАСЫНДА ТУРИЗМДІ ДАМУ АРҚЫЛЫ КЕДЕЙЛІКПЕН КҮРЕСУДІҢ СӘТТІ КЕЗЕҢДЕРІ» АТТЫ ХАЛЫҚАРАЛЫҚ ФОТОКӨРМЕ

Қазақстан Республикасының Мемлекеттік орталық мұражайы Қазақстан Республикасы Тәуелсіздігінің 30 жылдығына орай, Қытай Халық Республикасының Бас консулдығымен бірлесіп «Қытай Халық Республикасында туризмді дамыту арқылы кедейлікпен күресудің сәтті кезеңдері» атты халықаралық фотокөрмесі ашылды.

Кедейлікті жою-бүкіл адамзаттың ортақ миссиясы. Халықаралық туризмді дамыту шеңберінде кедейлікті азайту жөніндегі қытай тәжірибесі қызығушылық тудырып отыр. Соңғы жылдары Қытай Халық Республикасы туризм, мәдениет және әлеуметтік экономиканың үйлесімді интеграциясына баса назар аудара отырып, кедейлікпен шешуші күрес жүргізуде. Орташа ауқатты қоғам құру және 2030 жылға дейінгі кезеңге орнықты даму саласындағы күн тәртібін жүзеге асыру шеңберінде Қытай үкіметі кедейлікті жою жөніндегі стратегияны іске асыруға және




кедейліктен 98 миллионнан астам адамды шығаруға қол жеткізді, бұл халықтың 7% - ын құрады.

Туризм индустриясы Қытайдың жан-жақты қызметінің маңызды құрамдас бөлігі ретінде біртіндеп күшейе түсуде және кедейлікті жоюда үлкен рөл атқарады. Қытай Халық Республикасы

туризмді, ауыл шаруашылығын дамытуға және ауылдарды жандандыруға үлкен үлес қосуда.

«Қытай Халық Республикасында туризмді дамыту арқылы кедейлікпен күресудің сәтті кезеңдері» атты фотокөрмесі қытайдың 20-ға жуық елді мекенін мысалға ала отырып, кедейлікпен күресудің модельдерімен таныстырды. Фотокөрме материалдарынан мұражай көрермендері мемлекеттік бағдарламаның, жергілікті үкіметтің және коммерциялық құрылымдардың қолдауымен ауылдарда, қалаларда, автономды округтерде, уездерде, елді мекендерде кедейлікті азайтуға және кедейлікті жоюға бағытталған көптеген жобалар жүзеге асырылғанын көрсетті.



**Назира КЕНЖЕҒҰЛҚЫЗЫ,
Сымбат Маратқызы,
Қазақстан Республикасы
Мемлекеттік
орталық мұражай қызметкерлері**